

Informacija o projektu / Poziv za uključenje u projekat „Mladi agenti društvenih promjena“

Udruženje **Amica Educa** započinje realizaciju trogodišnjeg projekta ***Mladi agenti društvenih promjena (2021-2023)*** koji ima za cilj povećati uključenost mladih u društvene promjene fokusirajući se na izazove vezane za mentalno zdravlje mladih, rodnu ravnopravnost i izgradnju nenasilnog okruženja.

Ciljna grupa projekta su mladi od 16 do 30 godina starosti, srednjoškolci, studenti, nezaposleni ili povremeno zaposleni, sa područja grada Tuzle i Tuzlanskog Kantona.

Projekat će obuhvatiti oko 40 mladih ljudi koji će biti **osnaženi i educirani u oblasti mentalnog zdravlja mladih, rodne ravnopravnosti i izgradnje nenasilnog društva**. Istovremeno, mladi će biti **educirani u različitim temama iz oblasti i zagovaranja** gdje će mladi dobiti priliku da, koristeći vlastite ideje, inovativnost i kreativnost, na njima blizak način prenesu poruke a koje će uticati na smanjenje stigme vezane za mentalno zdravlje, povećanje rodne ravnopravnost i izgradnju nenasilnog životnog okruženja.

Učešće u aktivnostima projekta (edukativne radionice i individualna psihoterapija) je **besplatno**. Projekat uključuje i mnoge (zagovaračke) aktivnosti u čiju realizaciju se mladi mogu uključiti a za koje je predviđena **naknada za volonterski angažman**. Mladi, učesnici/e projekta mogu prisustvovati na jednoj ili više radionica te biti uključeni u jedan ili više volonterskih angažmana. Termini i vrijeme aktivnosti će biti realizirani u dogovoru i u skladu sa mogućnostima prisustva učesnika/ca projekta.



Odabir mladih koji će biti uključeni u projekat će biti izvršen na osnovu motivacije opisane u Prijavnom obrascu kojeg mlade osobe mogu dobiti na upit prema Udruženju Amica Educa. Više informacija o projektu mogu se dobiti putem e-maila ivona.erdeljic@amicaeduca.ba , telefona 035/ 257 – 366 ili putem facebook stranice projekta [Mladi agenti društvenih promjena](#)

Predviđene aktivnosti projekta *Mladi agenti društvenih promjena* su:

Aktivnosti prve godine projekta (2021)

- Psihoedukativna radionica **Mentalno zdravlje mladih** (ukupno 9 dana)
- Psihoedukativna radionica **Nenasilna komunikacija** (ukupno 9 dana)
- Psihoedukativna radionica **Rodna ravnopravnost** (ukupno 9 dana)
- **Individualna psihoterapijska podrška**, (sedmične sesije)
- Izrada i objavljivanje **online materijala (poruke, infografike, poster, animacije, videi i sl.)** vezanih za fokuse projekta* a od strane učesnika/ca psihoedukativnih radionica (plaćena volonterska naknada)

Aktivnosti druge godina projekta (2022)

- Radionica **Zagovaranje i primjena Nenasilne komunikacije u aktivizmu i zagovaranju** (ukupno 6 dana)
- Radionica **Organiziranje uličnih i online kampanja** (ukupno 6 dana)
- Radionica **Saradnja sa medijima, medijsko nastupanje i medijske objave** (ukupno 6 dana)
- Izrada **promotivnog materijala za uličnu kampanju** od strane mladih (plaćena volonterska naknada)
- Organiziranje **ulične kampanje vezane** za fokuse projekta od strane mladih (plaćena volonterska naknada)
- Organiziranje **online kampanje/na društvenim mrežama** od strane mladih (plaćena volonterska naknada)
- Izrada i objavljivanje **online materijala (poruke, infografike, poster, animacije, videi i sl.)** vezanih za fokuse projekta a od strane mladih (plaćena volonterska naknada)

Aktivnosti treće godina projekta (2023)

- Nastavak **online kampanje i izrade online materijala** od strane mladih (plaćena volonterska naknada)
- Radionica **Priprema i organizacija prezentacija, radionica, predavanja i panel diskusija** (3 dana)
- Radionica **Javni govor, poslovna komunikacija i korespodencija** (3 dana)
- Radionica **Uključiti se u rad tijela koji donose odluke** (2 dana)
- **Priprema i realizacija 3 edukativne radionice** od strane mladih ljudi za uposlenike ili korisnike relevantnih institucija (plaćena volonterska naknada)
- **Priprema i realizacija panel diskusije** od strane mladih ljudi u saradnji sa relevantnim institucijama (plaćena volonterska naknada)

**fokusi projekta: mentalno zdravlje mladih, rodna ravnopravnost, izgradnja nenasilnog društva*

Za informacije o projektu i načinu prijave obratite se na ivona.erdeljic@amicaeduca.ba ili 035/257-366 ili putem facebook stranice [Mladi agenti društvenih promjena](#)

Za više informacija o Udruženju Amica Educa posjetite nas u Klosterskoj 13 ili posjetite www.amicaeduca.ba ili [facebook/amicaeduca](https://facebook.com/amicaeduca) ili [instagram/amicaeduca](https://instagram.com/amicaeduca) ili [youtube/amicaeduca](https://youtube.com/amicaeduca)